山庫全幸

史部

久己司即在馬爾爾中屬的二十八宿付天師奉行布八中八下八應二十四氣合二十八宿付天師奉行布	序曰太上以漢安二年正月七日中時下二十四治上	玄都律云治者性命魂之所屬也張天師二十四治圖	川西道二	神仙記第二		蜀中廣記卷七十二	欽定四庫全書
干	上日	獨也			明		
八宿付天红	中時下二十	張天師二上			曹學佺		
一奉	四次	四			撰		
行	冶上	冶圖					

老君也一大上高皇帝中黄真君也一漢師張良子房 拜司空封食冀縣侯以芝草圖經歷神仙為事任漢安 不可稱數有五人其一云是周柱下史也一新出太上 先是永平二年拜巴郡江州縣令元和元年三月辛五 千乗萬騎來下至赤石城前金車羽盖部從龍虎鬼兵 元年丁丑有詔書遣改不拜遂解官入益部栖蜀郡臨 化天師韓道陵字輔漢禀性嚴直經明行修學道有方 **邛縣渠亭山赤石城中静思精至五月一日夜半時有**

久足四事全事 萬神盟 老君忠臣之後合授子現號傳世子孫為國師無民無 道由羅江水两岐山口入水路四十里治道東有龍門 扶命養育產生整理思氣傳為國師依度數開立二十 四治十九靜廬復授正一明威之道伐誅邪偽與天下 期於是道凌親受太上實動步網躡紀統承三天佐國 一位漢子淵即天師外祖也各言子骨法合道又承 一陽平山治在蜀郡彭州九龍縣去成都百八十里 弱中廣記

立治馬 天師門下系師乃嗣師之子諱魯得尸解於此山故皆 習仙業孝靈帝徵為郎中不就以光和二年正月十 師 無無形主辰生人屬金 拒守神木二相生其上西南有大泉決水歸東貴人發 日已已於陽平山昇仙立雙碑在治門名嗣師治主簿是)治王始終正治居第八上品應第一角宿上治無極虛 系師三治嗣師天師子也諱 衛字靈真志師高亮隱 按陽平治山中又有主簿嗣

第二鹿堂山治在漢州綿竹縣界北鄉去成都三百里 居第七上品應第二亢宿上治無極虚無自然主辰生 渡持火入穴行三日不盡號長發之治王八十年正治 石為要皆從正一明威之道山有松栢五龍仙穴通 君將天師至此治與四鎮太歲大將軍川廟百鬼共折 上有仙室仙臺古人度世之處桓帝永壽元年太上老 人屬金 一鶴鳴神山治山與青城天國山相連去成都二百 羁中廣記

一致定匹庫全書 第四滴沅山治在彭州九龍縣界與鹿堂山相連其間 遇中國紛亂乃入蜀鵲鳴山即此賤人發之治王六十 主辰生人屬木 年正治居第六上品應第三氏宿上治無極玄元無為 里在蜀郡臨邛縣界徑道三百里世人不知之馬底子 釘二石子金銀蠶三斛亦言尹喜主之神仙傳云天師 何丹陽得道處治前三水共成一帶神龍居之有四金 十里去成都二百五十里有栗松神草服之升仙又

|縣西五里去成都二百八十里山上常有仙人來往可 えるこういる としたう 第六座除山治山去平地三百九十丈在廣漢郡綿竹 第五葛環山治在九龍縣界與高沅山相連去成都 治居第五上品應第四房宿上治虚与主卯生人属土 有松栗山高六百丈道人發之治王九十年正治居第 有四龍起騎之門范蠡主之庶人發之治王二十年 百三十里去陽平治水口四十八里昔賢於此得道上 上品應第五心宿上治洞白主卯生人屬火 两中廣記

第 品應第七箕宿上治三元主寅生人屬水 治面有大石銅為該騙人發之治王始終正治居二上 第七秦中治在廣漢郡德陽縣東五里去成都二百里 **六尾宿上治三一主寅生人屬火** 以度尼養性昔張力得道之處山有二石室三龍頭維 其山浮苔韓衆於此得仙前有大水東有道徑於漢洛 水遠之當道士發之治王始終正治居第三上品應第 入真多治山在懷安軍金堂縣去成都一百五十里

多牙四月白書

三たこり自在自 十里昔蜀郡李八百初學道處八百常旦出戲成都市 女人發之治王七十年正治居第 池水水中神魚五頭昔王方平於此與太上老君相見 有芝草神樂得而服之壽千億山高二百八十丈前有 上治三五主止生人屬金 治上治即正治也內治大治是其別名 右上皇元年七月七日 無上大道老君所立上品 一昌利治在懷安軍金堂縣東四十里去成都百五 蜀中廣記 上品應第八斗宿

第二課上治季主先生學道雅仙之所在德陽縣東二 暮還宿於青城山幾數百里故號八百也山南石室容 治王百年正治居第七中品應第十女宿上治五城主 地二千九百丈昔中山衛叔鄉於此得道貧賤人發之 治前與綿竹相連西有赤石溪溪上三松為誌山去平 治居第八中品應第九牛宿上治九天主母生人屬土 十里山有二石室一神井白鹿鶴鳩時來飲之有石在 八十人前有三龍門為誌狂感人發之治王五百年正

丑生人屬火

第四網便治在犍為郡新津縣去成都百一十里汶山 治世傳為祝水治王三十年正治居第六中品應第 住此在逐寧郡小溪縣界山上有泉水已病野人發之 第三涌泉治昔廣漢馬明生學道得仙太上老君化形 虚宿上治元神主子生人屬木

江水經馬山高去平地千七百丈軒轅學道之處治左

火足四事全書 一 右連周相續西北即味江水有芝草仙樂可養性命貴 羁中廣記

三百丈上有白水松香林在治陌北有龍穴地道通城 一第四中品應第十三室宿上治常先主亥生入屬金 一苦越人王子喬得仙處道師發之治王四十年正治居 第五北平治在眉州彭山縣一名科山治去成都百四 第六本竹治在蜀州新洋縣去成都百二十五里高千 人發之治王五十年正治居第五中品應第十二危宿 上治丹田主子生人屬火 十里上有池縱橫二百步産神芝樂草食之與天相久

昇得道處凡人發之治王九十年正治居第二中品應 |去成都千四百二十里前有小山後有大山高千丈昔 第七紫秦治山在越雋郡臺登縣西去城隔河二十里 伊尹於此學道上産芝英金液草服之得度世漢中趙 治前水中常有神龍遊戲號龍門更人發之治王五百 眉山郭子聲得道之處後有林竹西十五里通鶴鳴山 人屬木 正治居第三中品應第十三壁宿上治金梁主亥生

ライス・ショラ からたら

蜀中廣記

主戌生人屬土 第十五奎宿上治六府主戌生人屬火 王千年正治居第一中品應第十六婁宿上治太一君 西有大江南有長山北有平川中有龍門陰人發之治 五人長一大三尺昔吳郡崔孝通於此學道得飛仙山 右無極元年十月十五日真正無極太上立中八品 治又云玄老治之 平益治在蜀州新津縣去成都八十里前山下有

|第二盡口治山在漢中郡江陽縣去成都二千九百二 大水山有一樹桃三年花五年實高七十丈下臨無底 複升天後三十年趙昇王長復白日升天治前有巴西 品應第十七胃宿上治五龍主成生人屬木 之谷治有人形師人發之治王五十年正治居第八 百七十人住治上教化二年白日升天後一年夫人雍 八里方得山足去成都干三百七十里天師将弟子三 一雲臺治在巴西郡間州蒼溪縣東二十里直上

とこううこという

|陵山南有長山北有青龍東有松柏為誌儿人發之治 道左有大水後有重山上産神芝服之壽千歲一名黄 青龍門治應昴宿俗人發之治王五百年正治居第七 |第三後城治山在漢州什那縣昔是子然於此學仙得 其前山一名平元山西有長山東有流海帝王所住有 十里陳安世於此學道得仙安世京兆人也漢中水過 王八十年正治居第六下品應第十九果宿上治六丁 下品應第十八昴宿上治隨天主酉生人屬木 7

第四公慕治在漢州什が縣去後城治百里昔蘇子玉 主西生人屬土

於此學道得仙又名北達山南有石坎北有懸流病人 第五平岡治在蜀州新津縣去成都百里昔蜀郡李阿 治十二辰主申生人屬金 **發之治王七十年正治居第五下品應第二十觜宿上** 於此學道白日升天道士發之治王二十年北有三重

歌之四車全書 四

曹溪南有特山為誌正治居第四下品應第二十一

|蜀中廣記

第六主簿治在叩州蒲江縣界去成都百五十里蜀郡 第七玉局治在成都南門內漢永壽元年正月七日太 宿上治還身主中生人屬水 上老君乗白鹿張天師乗白鶴至此坐玉局脚床因名 生其前徹人發之治王八十年正治居第三下品應二 十二井宿上治狗神主木生人屬金 五局治千丈大人發之治王三世正治居第二下品應 王與於此學道得仙一名長秋山南有石室玉堂松栢

第 二十三鬼宿上治無形非人所生屬水又云主未生人 第 人屬土 得道大黄出其東穴有水南流仙里發之治王六十 **议定四車全書** 正治居第一下品應第二十四柳宿上治聚元主未生 右無上二年正月七日無為大道玄真立下八品治 叉云太上治之 八北邙治在東都洛陽縣梁水在其左務成子於此 **岡氏治在蘭武山應第二十五星宿上治別形** 蜀中廣記

第四具山治在飯陽山應第二十八軫宿上治金堂主 第二白石治在玄極山應第二十六張宿上治保氣主 第三鍾茂治在元東山應第二十七翼宿上治五玉主 已生人屬水 午生人屬水 生人屬土 生人屬金 右漢安元年七月七日天師立四治付嗣師以備

青城治 **系師以太元二年正月七日立遊治八所** 和里治屬火配線上 昌利 屬土配稠梗 天師又立配治八所 慈母治在城市山界 八宿之數地圖云四治在京師東北 樽領治屬金配雲臺 黄金治俱在蜀郡界 天台治屬土配本竹 滴沅治屬金配昌利 平公治屬水配湧泉 河逢治在上黨郡界 代元治屬金配雲臺 太華治在京兆郡 賴鄉治屬金配 峨眉治 公慕治

とこうえ たたい

1

野中廣記

是上天之號 有攸主子嘗觀道蹟靈化廿有四其在蜀漢者廿有三 在伊雅者一益天有三元以生人人有三部部各八景 代元平都是巡遊治也乃知峨眉等亦是遊治太元當 治在巴郡界 多克匹库全書 **郊公慕化開山記乃成都名士王汝霖筆也略云山** 英靈清淑之氣其磅礴鬱積發而為人詰其所由各 附錄各化事蹟 古陽治在蜀郡界 N. 按玄都職治律云

飛昇之後觀依仙趾立厥下方官宇頹壞其來已久通 |景三八九二十有四上應天之二十四氣下應地之二十 在什邡疊獻崇崖聳秀特立高不可窮其際自蘇子玉 鍾而為人亦因其所也凡靈治在廣漢者九而公慕之 府以人門之故在蜀化多宜無足怪而維為天地之中 也人生雖受氣於天而實受形於地故山川孕秀上應 四治蜀於天地間在西南終養之方道家所謂人門者 天象下應人身而靈蹟所在為仙靈之與區列宿之別

LATED THE PERSON IN

蜀中庵記

為 衛而別為岳濱記乃云氣應小雪星屬心尾 人命所 望之鬱然過者增敬其有功於斯化亦甚大矣予觀二 然住持此山鉢集寸累鳩材修工至於十有三年剏為 直部知綿竹縣事魏良忠為楊村茶官日命道士李淳 云不同雖杜廣成一手之書亦有差謬予因而考正別 九皇殿一齊厨廊無重樓複閱約三百餘問手植松栢 十四化節候所歷及星宿所繫人命所屬著之記載差 一書謂之旁通記馬杜廣成記公慕氣應小雪星屬

多分に月子書

六年閏六月十七日朝議大夫直秘閣知漢州軍州事 中無所屬戊中又屬鹿堂五岳名山圖亦典立午中此 屬杜廣成記屬午中而岳演記止屬壬世 竟有石如鵠故名又云二十四洞應二十四氣每過 七鐵云鶴鳴化在大邑西北三十里鶴鳴山山形如覆 記與之律歸而藏諸山中以備往來士夫觀覧云慶元 其城牾之大縣也予既為記其事併以二十四化旁通 ころこう こうこうこという 兼管内勸農事李嘉謀書 蜀中廣記 ナミ 中至丙

常自門入觀謂貞曰山中難值修葺愧勞用工末由見 銀兵四庫全書 為天師化身遍訪本山及陵州井中望像俱非所見後 報以手畫地為符曰可記此畫用救疾病衣食自充忽 氣則一洞之竅開山頂上清官天師時所建臨邛場工 然不見貞試以治人應手而驗大獲豐給馬貞知道人 同 謝貞賃作其中竭彼誠敬感一道人身通九尺神彩異 至青城山遇峽中賈客修裔展一小幅供養與授符者 贝

鄰家馬老父子二人差赴軍前去時留寄物直三十千 五已後百司交替又須停住經年其錢須是二十五日 **陣不歸非關巨靈令陪三百貫即得解免緣臘月二十** 追其魂魄對會經今六年矣近奉天曹斷下云自是及一 在某處馬父子殁庫不回物已被破用却於冥中論理 音聖駕幸蜀時西川進軍與平定國寨以討黃巢其時 靈驗記唐昭宗時成都張部妻死三年忽還家下語曰 己前就玉局化北帝天曹庫子送納一張紙作一貫其 蜀中真記

先天傳云九龍縣人張守珪家甚富有茶園在陽平 貯玉局化所奏錢幣處 妻夢中告謝而去又成都縣押司録事姓馬死十餘年 仙居山上召採茶人力百餘男女錯雜有一少年質為 倉院路而還見路两畔有舍六十餘間云是天曹庫收 其姓為冥司誤追到縣馬於所追吏放其姓自縣後門 光化三年雕月二十三日就北帝院奏前件錢記是夕

銀完四库全書

餘門司庫子本案一一別送與人間無異其家間之以

|請問其術受於何人少年曰我陽平洞仙人耳因有小 鹽酪而歸後或有所需但令中樹取之無不得者其夫 飲泉婦皆醉而稅中酒不竭遠近傳說人皆異之守珪 術亦如此他日出遇鄰婦十數於期口市買酒一稅與 ・ ここう・ こ・ こ・トラ 摘茶甚了慧熟愿守珪憐之以為義見又一女子可 十餘亦無親族願為義見之婦孝義端恪守珪甚喜之 一旦山水泛溢市井路絕鹽酪既闕守珪以為憂新婦 此可買耳取錢出門十数步置錢樹下以杖即樹得 羁中廣 記 **五**

情功遷神及生之者皆居其中以為民庶每年三元大 廢水早風雨預屬於洞中馬其龍神祠廟血食之司皆 皆有日月飛精謂之伏神之根下照洞中與世間無異 節諸天上真下遊洞天以觀其所理善惡人世死生與 亦有仙王仙官仙卿輔相如世之職司有得道之人及 二十四化各有一大洞或方十里五百里三百里其中 洞府所統也二十四化之外青城峨眉益昼慈母繁

欽定匹庫全書

過商人間不久當去守珪曰洞府人間亦相類否答曰

巻七十二

靈驗記云南康王太尉中書令幸公皐乃成都尹相國 とこり日日上 全蜀富貴將及何自滞耶勉哉行矣異日富貴無以為 世相承德望清貴其族皆輕悔之章亦未覺一夕忽夢 張公之愛情也幸量深器大舉止簡做不神於俗張以实 旬日間忽然夫婦俱去不知所之 數洞之仙曹如人問郡縣聚落耳不可一 一陽幡家亦各有洞天不在十大洞天三十六小洞天之 二神人曰天下諸化領世人名籍吾子名係葛璝禄食 蜀中廣記 一詳記之也 芸

大穰金帛豐積南部內附乞為臣妾威名益重而貢賦 宗望而器之既平寇難大傷還京以功晉檢校右僕射 土客甲士輓軍儲以中扈衛就拜防禦使復請赴觀德 署龍州軍事判官俄而駕出奉天郡守奔難行在章率 代馬攤師赴任張假道歸闕以避其鋒既而累年蜀境 數十萬資之行既達秦川屬歲饑久雨因知友所聘得 **晴為忘也由是韋始有干禄之志謀於其室室以莊愈** 鳳翔節度使懸讓乞改西川乃授西川節度與張公交

多分四月白重

卷七十二

預子學生習詩書禮樂自公始公文翰之美冠於一時 人心可野性生生 修崇作南宫雅閣四十間巨殿修廊重門邃宇範全刻 矣又夢前神人曰富貴而忘所因其何甚那公夢覺流 近石雲趨自製碑刻於洞門之側上構層樓召奏僮七 南紹得其手筆朝刻石以榮其國而為璝之事久已忘 不虧朝廷倚注戎蠻備伏由是請許南紹置習讀院 石知無不為支九龍租賦于山下列屯輸貯糗糧山積 汗驚駭久之乃躬詣雲林炷香禱福遂命工度木揆日 蜀中质記

邀過其家入益竹徑思渠堂可十里許即見門字殿閣 衆失老奧所在問人乃萬蹟化厨中且云來日點市方 看蠶市見賣水老人云居在側近引滿川蠶市看記仍 実常擔水以供數家一歲上已滿川於學射山通真觀 感遇傳云于滿川者成都樂官也其所居遠水有一老 **胙土南康公本命丁卯屬葛墳化也** 金分世屋台言 十人以供洒掃良田五百畝以贍齊储在鎮二十餘年 物喧闖有像設圖繪若官觀馬引至大厨中人亦甚

餘著大袖衣平冠一人居後著青衣大袖棒一帙書舉 2 1 DIOLAINE 舉等就青城山修齊便令訪尋草藥至六時嚴下忽有 管設大齊項刻之間已三日矣老叟自此亦不復賣水 後人曰此是墳之操我有密語兩紙可一一記之錄與 等驚悸問是何思神前一人答曰我是竹枝老又指其 勁風自谷中出仰見二神人行虚空中一人在前長文 又云太和六年壬子節度使替皇李公德裕差軍将祭 尚書今年西蜀合有水災以修齊故我迴後山一峰堰 蜀中廣記

CONTRACTOR OF THE PROPERTY OF

雲子者入洞中見樓臺金碧門者阿止之曰子凡骨可 化中靈官示現耳 方與勝覺云與除山在綿竹縣上有石室三國時有霽 始異之歷問官家及道流皆不能解忽悟曰竹枝老者 水使東去矣仍授密語多李公吉凶未兆之事舉等一 丈人也當是丈人真君晴之來者本命屬葛晴化或是 畢封呈李公是年八月東川水深數大西蜀無害李公 記之歸至常道觀取筆録於紙上果得兩紙書寫既

|新以貨之一旦病狂走詣山前僧舍中求水漿僧間聲 樹徑六七尺居人常聞其下有考差號叶之聲莫知所以 、 こうう シャラ 福時值干戈化中無道流棲止乃拆殿宇伐林木為想 **昭宗大順元年丁未山下居人何陸者性凶悍不懼罪** 靈驗記云蜀州新津縣平益化神仙崔孝通得道之所 亚去不然及褐露雲子回後再入訪遂迷改道 真像存馬化有玉人長一丈見則天下太平殿左有玉 女泉水深三四尺飲之愈疾化之上當山之半有搏木 蜀中廣記

女亦被人盗取近化居人夢擒盗者生魂入化中已而 京 其人遂患瘋疾 往搏木樹下地獄中考問去渴甚乙少水相救耳僧 涕於口自言為毀平益化今被黃衣使者追捉繫縛將 又云金堂縣昌利化玄元觀南院玄元殿前有几井在 之水良久徑去死於搏樹之下又泉側古跡雕塑二玉 切出門師之見其仰面反手如被拘縛喉吻喘急流 陸上或方或圓大者圍五六尺小者三二尺泉脈相

多定匹库全書

Ta.

卷七

日くこうシュニー **蠶市遠近之人祈乞嗣息必於井中探得石者為男五** 常涵岸不溢蜀王討東川岐龍之師赴援乗銳深入來 虚氣噴毒勢欲噬人騎卒奔进而去又每歲三月三日 時方盛暑探騎十餘人入化中見井而喜繁馬解衣將 届金堂江側江水泛派雷雨異常遂不克濟師舊而道 **一件為女知驗不爽又云什が縣鐵像天尊高丈有二三** 赴泉以浴忽有馬絆蛇騰湧而出首如白虎大若車軸 通而水色各異氣味甘香益體泉也無水旱增減之變 蜀中质記

損 能動因立講堂於其處頻經亂離雖堂守盡焚此像不 俗謂之爲金像元在金堂峽中崖壁之下大水石推像 只百人引拽已及平地欲置於大殿數百人挽之反不 興道觀後水脉甚小不知其所來由邑人迎引上岸初 利三迎之皆不可致明年夏大水泛濫乃沂流至什亦 道衆焚香備幡花迎引沉隱不見稍晴又泛泛而出昌 仍露現或浮於水上出五六尺其側即中品昌利化也 銀定四庫全書

蘇異記云吉陽治在涪州南 汗點江三十里得之有像 くこうえ こかう 林因過化沖盗取常住物因即送路數日之内身變為 設古碑猶在物業甚多人莫敢犯治州神將顧庭雍之 編為卷之二 右已上係天師靈化事蹟米摘成篇而多属 我盜此中物變身如此欲見我母幸為言之母聞 不敢往虎來往郭外經年始去 一銀經金到宛然猶存好見鄉人輕隔樹 蜀中廣記 ニナニ 缺 핝

蜀中廣記卷七十二					金牙四库全書
卷					
スナ					
					卷
					卷七十二
					=
E CONTROL CONT					
1	ALT PARTY				

欽定四庫全書

史部

蜀中廣記卷七十三

編修臣程嘉該覆勘 校對官學正臣陳 總校官無吉士 臣何思釣

謄録舉人 臣曹 數祖

木

詳校官編修臣程 槐

Carrier Commission 一說四方國土宮觀市野人未曾見聞說者 法法法的 傳世見之或以為漢文帝時 期以符與之并丹書两版 明 曹學佺 撰

意期問吉凶意期不答但求紙畫作兵馬器仗十數萬記 略盡玄德忿怒逐卒於永安官意期少言人有所問略不 二百日三百日不出窟劉玄德欲伐吴報關侯之怨使迎 都角中作土窟居冬夏单衣髮長剪去之皆使長五寸或 不悦果為吳軍所敗十餘萬聚纔數百人得還器甲軍資 行不知所之一年許復還或乞食得物對面與貧人於成 一一裂壞之曰咄又畫作一大人極地埋之乃徑去先主

欽定四庫全書

意不好意期為撮土作之但盈寸其物皆是須更消滅或

對答但占其顏色若歡悦則善惨戚則皆惡後入琅琊山 一起了翁朝貞觀記晷云出少城西北為朝貞觀觀中左列 中不復出也 城門路西今為乗烟觀 公始更祠為觀奏名乗烟 宅也故老相傳亮有女子宅中東雲輕舉唇天實元年章 有聖母仙師乘烟葛女之祠觀西有武侯祠是丞相亮故 所傳聞意期於實蓋山白日昇舉移時猶聞至樂之音 按綿州志云富樂山洞靈觀李意期修煉 按案字記諸葛讀書臺在章

按畫苑孫太古畫碧落侍中范長生舉手監船蝉像特妙 盤偶駕青鷹塵世窄間吹玉笛洞天寒奇香滿院晨收樂 異氣穿嚴夜沐丹却笑雅仙未忘俗金貂猶帶侍中冠 上有赤城閣陸游詩云斷雲浮月磬聲殘本影如龍布石 完為長生觀有巨楠高數十尋園三千尺世傳長生手植 主後之不起就封為逍遥公得長生久視之道劉禪易其 有兒寂字無為劉先主時栖止青城山中以修煉為事先

欽定匹庫全書

方與勝覧云長生觀舊名碧落觀在青城縣北二十里昔

耶羅言實恐父惟怒阿乃取刀磋石擊地刀復如故强隨 以擊石刀折壞强竊憂刀敗至旦適出阿問强曰汝愁刀敗 私持其父刀往阿見而怒曰汝隨我行那畏虎也取强刀 乃在青城山中强後復欲隨何去然身未知道恐有虎狼 曾不審也有古强者疑阿異人常親事之試隨阿還所宿 吉若慘戚則凶若含策則大慶微歎則深憂如此之候未 號曰百歲翁人往問事何無所言但見阿顏色若依然則 太霄經曰吳大帝時蜀中有李阿者穴居不食累世見之

ここうう たたう

銀兵匹庫全書 馬阿著跡典午今代煉形洪雅之山帳雲龍之飛騰想風 觀妙真人語詞云仙者古不死之謂也其精爽寓世猶人 洪雅志李阿真人煉丹於金釜山宋乾道七年十月朝封 曹楊素故宅也九坐拔罪經云李真人阿常居此 十八見向年五十許强年八十餘而阿猶然不異 阿即死强怖守視之須臾阿起以手無即而復如常强手 石龍遊觀記略成都府十里有道士觀唐乾寧問桂州功 阿還成都未至道逢人奔車 阿以脚置其車下輾脚皆折 老七十三

丹方其法鼓黄銅以作方諸承取月水又以水銀覆之致 高劉職雖小而隸仙官矣 綏祐可特封觀妙真人奉勅如右 雲笈七載云晉道士張盖翁精思於岷山石室中得岷山 真語云侍帝晨有中郎直事四人如世之尚書也為戴淵 雨之來下爰一道家之流錫以真籍之稱慰民所依其永 為北河侯與韓逐對統屬山官註云魏武孫權今位任旨 公孫度劉封郭嘉今見在職封者是玄德之養子玄德今

服亮苦欲服平旦開城門取井華水服之至食鼓後心動 合仙藥至益州泰豫元年樂始成而未出火毒孫不聽亮 儉不管財貨所餘公禄悉以還官太宗嘉之下詔褒美亮 能視百病即愈髮白還黑齒重更生 在梁州忽服食修道欲至長生迎武當山道士孫道盾令 晉劉亮彭城人泰始中歷黃門郎梁益二州刺史在任康 汞暴二十日發而治之以井花水服如小豆大百日盲者

致定四庫全書

日精火其中長服之不死又取此丹置雄黄銅燧中覆以

寶曰汝離家久母念成疾與樂两九令救其母遂出回顧 仙境界二客見實笑曰汝亦來耶引之周覺不覺餓渴謂 行可嘉學道有緣質開異之潛隨其後行二十餘里過江 有二容過飲見實事親盡禮每嗟異之歲餘謂實曰汝孝 晉鄧寶彭縣人事父母至孝其家酤酒得利即奉甘首常 語分明此乃道家所謂尸解者也出南宋書 如刺中間便絕後人逢亮東白馬將數十人出關西行共 亦不陷弱及與登山見其前後原無深廣奇花惟石皆神

蜀中

馮真人名益羅廣漢人居合州龍多山山有臺高十餘文 之祚不永挈吾單居此為終馬計圖經云即老澤也 返見一隻致敬而問曰吾族本丞相范賢之裔范公知李雄 方與勝覽青城有老人村昔潛夫張不犀入山採樂浹旬不 雄欲迎致以為君長不就乃尊為天地太師封西山侯 崔鴻蜀錄云西山范賢一名長生岩居穴處求道養志李 餘母終結廬墓側其後二客詣廬召入葛璝洞天 舊處無復所有至家已二年矣實以樂獻其母疾愈壽百

俗名石图真人煉丹其上婦汲水於松下獲茯苓如嬰兒 搜神記曰吳猛蜀郡人小兒時在父母傍即時夏月多致 問龍多書中舊識唐公坊圖裏今間馬益羅 朝賜號冲妙上有丹灶仙洞飛仙泉大夫松今泉洞尚存 狀蒸餌之舉家十七人同飛昇時晉永嘉元年七月十五 日也後人建仙臺觀繪像事之宋淳熙初以真人事狀于 按何縣龍多山仙臺詩曰世路聲牙亦水過故升天險

而終不搖扇懼敢此之去我及父母也父母亡不立家室

拜蜀旌陽令尋以晉室恭亂弃官東歸學道拔完异云 異與當蝉脫解骨石室中先有過盛香得便掃除燒香今 止有白骨在昔成都識此道士聞之使人既然其業行殊 晉表彦伯羅山疏曰善道門户在石室北壁下形骸朽壞 雲遊至廬山過石深見一老坐桂樹下以王杯承甘露與 猛飲之得道封為大洞君 此香具循存 十二真君傳云許真君遜字敬之汝南人也弱冠舉孝廉

敏定四庫全書

今惠澤遍乎邦域是故跡有顯異事有沿革歷千數百歲 高深之源據精氣之會以出變化而佐生成功業通乎古 按元虞集旌陽祠堂記曰吾蜀之為土在地勢西南而尊 學雅射中鹿子鹿母紙之大感動折弓夫去修神仙之術 年君生馬神明天請讀書通天文地理音律五行經緯之 之其先顧陽許由之裔曾祖我漢末避地豫章吳赤烏二 高山川神靈多古仙人遗迹非必皆說果荒唐之說也達 而不能忘者宣偶然與德陽有故令許君祠君諱避字故

壽官是也江湖之間名勝之地祠居之所大小不可勝數 益當晉時天下分裂有國家者德化不足以無安黎民久 值機民用於賦稅多所流亡若悉力收之然猶不足乃取 尊親依慕俯仰寤寐如將見之神仙傳曰君在旌陽連成 一截孝康晋太康元年為強陽令今德陽也道家謂之真君 得丁義神方於吴君猛受女師丹陽語姆之教道成高隱 三十年其居豫章西山郭景統之所下至今所謂玉隆萬 矣真君以其道救彫察於亂亡誅物惟於幽險住世者百

欽定四庫全書

^

卷七十三

事者震為河南憲幕得許君傳既做而畫諸其壁矣請記 來告於予曰德陽許君祠震悉力以成之蜀人罕知其遺 樂朔為可觀獨旌陽祠尚未之復後三十年有何君震者 始大定休養生息又且百年城郭井里新復其舊富完安 是蜀人祠而祀之東南之民猶稱之曰許旌陽蜀自金末 問皆得金以充賦郡大疫多瀕死君出神方療之皆愈自 神丹點石為金雜諸瓦磔散後國役貧不能輸者銀治其 被兵國朝西征殆百年矣逃難解散幾無孑遺至元中蜀

始百餘年而顏不改每持一器若往市粥之市人爭買旦 先天傳云廣陵茶姥者不知姓氏鄉里常如六七十歳人 有所感也夫 作日入而息使民養生喪死無憾馬則其為金亦多矣君 之以文子仰而嘆曰自許君來令兹邑幾何人矣何必人 |欽定匹庫全書 而輕健有力耳聽目明頭髮鬒黑晉東渡後者舊猶見之 子作事可法無幾可繼馬不奪不厭以繭絲吾民者亦尚 人有化金之術以濟其民乎明其政刑教以孝弟日出而

器自牖中飛去 安得一日及此其丈夫甚少而婦顏色過之夕以壺觞酌 夫婦同指山居攜一壺酒云今日離刘縣寂疑道路甚遥 至暮而器中若不竭州吏以犯禁緊之獄姥乃擊其需若 許其丈夫出一拍板獨以銅釘釘之乃抗聲高語已而談 剱俠傳云蜀許寂少年棲四明山學易於晉徵君一日有 而禁鬻茶於蜀姥何哉 市有蜀嫗作茶魯賣而廉事打破其器具又一云賣餅於市 按此蜀人也傳成為司隸下教云聞南

7

蜀中馬記

| 欽定匹庫全書 我頭上盤旋交擊寂甚驚懼尋而匣之飲畢就寢及旦乃 衛真人元嵩益州成都人少出家為亡名法師弟子聰頡 空榻也日中復有一頭陀僧來尋此夫媍寂具道之僧曰我亦 而笑乃取寂淨中拭脚徘徊間已不見矣後再於華陽遇之 其人也道士能學之乎寂辭曰少尚玄教不願為此其僧傲然 劒術我自臂問推出二物展而喝之即二口劒也雖起在 不偶皆以夜静侍傍曰世人沟淘貴耳賤目即知皂白其 可得哉亡名曰汝欲名聲若不住在不可得也當心然之

· 九之高許曰我是長安于長公家人欲逃往蜀耳關家送 意如何兄曰當今王褒庾信名振四海汝何所往自取折 送至京于公曽在蜀忽得相見與之交遊貴勝名士靡所 辱答曰彼多讀書自為文什至於天才大略非其分也兄 書謂兄曰蜀土 狹小不足展懷欲遊上京與國士抗對兄 | 關移住野安自制琴聲為天女怨心風弄亦有傳其聲者 但聽看即輕介造屬為無過所乃着俗服出關却同防者 えてしりこう とこよう 一間 遂佯狂漫走人逐成羣觸物搞詠周歷二十餘年亡名入 弱中廣記

苦国乃介答曰我大遭因苦汝不見耳今得至此大是快 中見一人極瘦身作鐵色着鐵枷鎖祈見泣曰大家因何 看汝武帝去一吏引至一處門窓旅五並是鐵作於鐵窓 武帝不答曰曾任左武侯司法恒在陷陛甚識王曰可往 樂祈曰作何罪業受此苦困荅曰汝不知耶我以信衛元 文在周為司命上士王曰若然錯追可速放去然鄉識周 杜祈死三日而甦云見閻羅王問曰卿父曾作何官曰臣 不請即上廢佛法并藏緯事周祖納之隋開皇八年京兆

索沉浮人間實軌為益州間而名之遺以衣服逼為鄉正 大唐新語云朱桃椎蜀人也澹泊無為隱居不仕披表帶 縣城內名紫極觀其墓在縣衙左側有宋碑第日希微慧 帝曰我尋注之然曹司處處搜求乃遍三界云無所見若 高言毀廢佛法故受此苦祈曰大家何不注引衛元嵩來 ここうらいたの 一切 早來相救如其不至解脫無期矣 按元高道觀在什亦 應衛真人墓端平丙申令吳中孚書文 其朝來我暮得脱何所更論卿還語世間人為元當作福 蜀中廣記

陰布獲於其上者熾之月兹馬如秋桃推休偃於是好古 溪大盤石山石色水素平易如砥可坐十人石側有樹垂 縣白女毛村居馬織履自給口無二價後居棟平山白馬 為需取米置之本處桃推至夕取之終不見人高士廉下 贈遺一無所受織芒屬置之於路見者皆曰朱居士屬也 車深加禮敬召至降階與語桃推一答便去後不知其所 桃椎不言而退逃入山中夏則裸形冬以樹皮自覆凡所 按靈池縣圖經云朱桃椎者隱士也武德元年於蜀 卷七十三 者刻賦為码立于洞門官道之側然鄉邑祈請焚香禱祝 之士多來兹遊朱公或斯輪以為資前長史李厚德後長 或出或處或隱或顯益得道者辞公題讚其壁而還復數 巨木之下惟石洞存馬近年石洞長亦閉塞後军邑好事 年鄉人時見朱公而竟不知所在其所隱之石今亦不見 馬泊解印還京假途就謁其室已虚矣訪於鄉里云朱公 南薛公稷初為彭山令聞其風而說之乃作郊茨賦以贈 史高士廉招以弓旌遺以尺牘並笑傲不答太子少保河

淨而民自定指歸略同實軌怕威喜殺欲吏真人真人軌 逃去贈遺珍好弗納也高士原慈惠務教化真人乃出見 長史事迹揆真人胸懷本趣則與齊益公所言治道貴清 長安或在彭城不但過也而蜀人事之尤謹管觀實高二 終然浮遊四方專務救民疾若賢士大夫往往遇之或在 者頗有靈應自非得道證品孰能與於此 又按王剛中 隱逸傳養生於周隋之間歷武德貞觀得道仙去莫知所 重修安靜觀記界云妙通真人姓朱氏其名字載新唐書

欽定四庫全書

於青城山下遇一大著樂廟之深數丈其根漸大如甕此 妙通崇寧五年的也觀名安靜重和元年的也今觀皆一 無事治蜀也因簡條目薄賦飲而蜀果大治馬真人錫號 原化記云唇高宗顯慶中有蜀郡青城民不得姓名採樂 悉煨爐獨此繪像火弗能及風雨飄搖粉墨故在趙清獻 新惟真人繪像實廣政問周元裕所為中更順賊之變觀 之及詢以政真人瞪視不答士康亦點識此曰是使我以 公客記其異不敢更造

矣遂食以胡麻飯柏子湯諸祖覺身漸輕問其主人此是 **得來之由遂告所以乃將小船子渡之民告之不食三日** 1重中無由而出仰視穴口大如星分必死矣忽傍見一穴 月中男女衣服不似今人耕夫釣童往往相遇一人驚問 数十步岸上見有數十人家村落桑柘花物草本如二三 餘此穴漸高統穴行可一里許乃出一洞口洞上有水潤 既入稍大漸漸匍匐可數十步前視如有明狀尋行一里

一致定匹库全書

人斷之不已漸深五六尺而地陷不止乃至十丈餘此人

令此民禮拜於牛水乙仙道如牛吐實物即便吞之此民 官門外門側有一大牛亦色形狀甚異用目吐涎沫主人 為節其中官關皆是全質諸人皆以次入謁獨留此人於 得至此當是合有仙分可且留此吾當引汝謁玉皇又其 雲氣或駕龍鶴此人亦在雲中徒步須東至一城皆金玉 如言拜乞少項此牛吐一赤珠大喻徑寸民方将棒接忍 中相呼云明日上已也可往朝謁遂將此民往其民或来 何所兼求還蜀之路其人相與笑曰汝世人不知仙境汝

有一赤衣童子拱之而去民又求得青珠又為青衣童子 之美乎民俯伏請罪玉皇曰汝但勤心妙道自有此等但 史得黑珠感自吞之黑衣童子至無所見而空去主人遂 汝修行未到須有功用不可輕致較左右以玉盤盛仙果 民具以實對而民貪顧左右王女玉皇曰汝豈悦此侍衛 王女數百侍衛殿庭市里花果馨香非世所有王皇逐問 引謁王皇王皇居殿如王者之像侍者七人冠剱列左右 所收又黄者白者皆有童子奪之民遂急以手捧牛口須

一 欽定四庫全書

荣落寒暑之變度如人間可一歲餘民自謂山道已成忍 傳授真金服樂運氣洗滌塵念而三侍女亦授以道術後 得十餘遂以手棒之唯得三枚而已玉皇曰此汝分也初 赤色大如拳狀若世之林檎而芳香無比民自度盡拱可 數朝謁每見玉皇必勉其至意其地草木常如三月中無 至未有位次且令前主人領往彼處敕令三女充侍别給 視民曰恣汝以手拱之所得之數即侍女之數也其果紅 屋居之令諸道仍尊以修行此人遂却至前處諸道流

司中無記

一致定四庫全書 於水上作歌樂飲餘以送之其三玉女人與別各遺以黃 一倘無所見思歸吾置藥在金挺中取而吞之可以歸矣小 金一挺曰恐至人世歸未得以此為費耳中女曰君至後 誤妄民曰我來一歲矣妻亦當無恙要明其事耳王女逐 中夜而戴左右問曰吾今雖得道本偶來此耳來時妻産 以告諸鄰諸鄰共嗟戴之復白王皇玉皇命遣歸諸仙等 世已久妻子等已當亡幾豈可復尋蓋為塵念未去致此 一女纔經數日家貧不知復何如思往省之玉女曰君離

有一人年九十餘云吾祖父往年因採樂不知所之至今 需其金為糧經歲乃至蜀時開元末年問其家無人知者 驚擾與雅空回顏猶見岸上人揮手相送可百來人乃至 之而去聚棒民舉之民亦騰身而上便至鹄羣鵠亦不相 耳言記見一掌鴻鵠天際飛過泉謂民曰汝見此否但從 女謂曰金中有樂恐不復固吾知君家已無處尋唯含東 一場中人物甚聚問其地乃臨海縣也去蜀已甚遠矣遂 一壽練石尚在吾已將藥置石下如金中無但取此服可

野中黄記

去路此民雖仙洞得道而本庸人都不能詳問其事時羅 遂舉石得一挺金有金丹在馬即吞之而心中明了却記 天師在蜀見民說其去處乃云是第五洞寶仙九室之天 磚荒榛唯故碼尚在民乃毀金求藥將吞之忽失藥所在 所生女適人亦身死其孫已年五十餘相尋故居皆為瓦 王皇即天皇也 原故 九十年矣乃民之孫也相持而这云姑叔父皆已亡記時

一致完四庫全書

	W-71-		4.27	-				MARKET STATE
. Ī				1		4 7		
_			1	ł				
-	- 1			[
_								
5				l				
" }			1	l				
1			ſ	1				
		ĺ	l	1				
		i .	l					
-		ĺ	1					
_		l	1	1		i .		
			1	}				
1			1					İ
1		1	l					l
1			f	ĺ		1		ĺ
30			}	1]	l
			ł.	1			l	l
4			I	l	l			l
1			1	1	1	1	[[
-		1	1	1	1	l	l	1
1			Ī	1	l	Į.	1	1
1			I	1	l	1	i	l
(ŧ	[(1	1	1
g		1	1	1	1		į.	1
וש			l	l	l	1	l	i
ə١		l	ı	1		1	1	ŀ
1		1	((I	1	(1
節中義記			l	1	1		1	1
		١.	1	ł	1	1	ł	1
-		1	1	1	1	1	1	1
1			1	1	1	1	1	ľ
		l	i	1	ľ	1	1	1
1		1	1		1.	1	1	1
- 1		1	1	l	1	1	1	1
1		1	ì	1	1	İ	I	1
1		1	I		ì	I	1 .	1
1		1	1 -	i	i	1	i	1
ı		1	1	1	1	1	1	1
1.		}	1	}-	1	1	1	1 .
- 1		1	1	1	1	1	1	1
- 1		1	1	i	1	1	1	1
ı		1	1	I	1	1	1	1
1		1	1	1	}·	1	1	ł
1		i	1	1	1	1	1	1
		1	i	1	1	i	1	1
1		1	1	1	1	1 .	1	1
4		1	1	1 .	i	1	1	1
-		1	1	1 .	1	1	1	1
- 1		1	1	1	Į.	1 .	1	1
- 1		1	1	į.	1	Į.	1	1
- 1		1	1	1	1	1		1
- 1		1	1	1	1	4		1
		1	1	1	i	1	i	1
- 1		i	i	1	í	i	1	ı

				一致定匹庫全書
				灰
				巻七十三
·		٠		

攻其病君先臣次然後用佐用使自然合宜如以佐之藥 外之科竅亦無由受病也况藥亦有君臣有佐有使尚或 之藏腑雖有病不難療也

以至於良醫自逃名樂不效猶不知治身之病後時矣悲

為念倘有人一身君不君臣不臣使九竅之邪怒納其病

能取人之病哉此又譬如國家任人也老夫賣藥常以此

用之以使使之藥用之以佐小不當其用必自亂也又何

夫士君子記之忽一日獨詣錦水解衣淨浴探壺中唯選

一九樂自吞之謂聚人曰老夫罪己滿矣今却歸島上俄 致定四庫全書 ||二一者何道初門未入真境得見一分未能拾三全一 三一所以一名三一者一此而三彼也雖三常一故名三 异玄經曰仙人實子明問于法師云向聞法師咨請真! 三耶為三有一耶昔雖奉行未能晓了願為完盡使後來 太一未聞三一之訣當復云何既為一而復言三為一有 化一白駕雅去衣與樂壺並沒於水求之不見 末學得知真要法師曰三一者正一而己三處授名故名

答曰得無為有又問得無為有者何義答曰形聲虚偽故 得云無邪答曰何日變異者亦不言都無如虚空故但言 故又問雖速變異非無所有既云變異果是有物可變安 又問何為虚偽答曰不住故又問云何不住答曰速變異 曰無所有而有何故為有答曰以無為有又問無何而有 故名三一子明曰此一者何所有也答曰無所有而有問 是未離三雖未離三少能見一故名三一分言三不離一 切皆偽非真生者必死有者必無成者必壞盛者必衰

一致定四車全書 與其友尋花訪異忽有請者日都南十里許鄭氏林亭花 子明丹灶其臺與爐皆錯石髮成工極巧非今人所能為 神仙感遇傳云革命字景照開元中舉進士下第遊蜀日 煉三載白日升天 又按與地紀勝昭化縣西樂臺有管 鉄杵問之答曰鉄杵磨為針功久自然成逐感悟復歸修 名實圖山馬初子明學仙未幾朝下山至橋側見一女磨 少者必老何有今無寒暑推變恍惚無常也 按子明江 油人李太白之友為彰明縣主簿後棄官入圖山學道故

見聞拿乗問問日拿自上國歷二京至於帝宅崇嚴侯家 其陳設餚膳竒味珍果金石絲竹雅音清唱皆非世之所 花舟芳妍賴聊奉一醉無以延致為疑既坐即張樂飲酒 之中有一美人曰聞吾子西遊蜀都歷訪住景春照将盡 所有即引見仙子十數左右侍衛華裾靚挺弇遍拜且謁 塵外景也俄昇巨亭之上迴廊環堵飾以珠玉殆非人世 亭端空巍巍横然四崎山門以花闢砌以煙頭臺堂之真 并方沒有出塵之致願偕遊馬拿喜之南十里果得鄭氏

亭耳余有新曲名曰紫雲今天子尚神仙之道余欲以此 將貢新曲固不可為也美人曰然子已至此亦道分使然 願以一二賓為贈子其佳之可畢世之富飲畢命侍者出 安中區區九百以十一名望天子不可見又非知音者若 樂授吾子而貢于聖唐之君可乎奔曰弇一儒生耳在長 美人日余非人間人此益玉清仙府也適欲奉假以鄭氏 繁盛信今之所親固不可偕矣然女即何為若此之貴耶 一杯謂之碧瑶盃光瑩洞徹又出一枕謂之紅殺枕似玉

一致定匹庫全書

雲既晨興即以玉笛虚而習之傳於樂府此正行蜀亭美 都竟不求聞達亦不知所終馬後數年玄宗夢神仙十餘 萬年中無見者以數千萬金易而求之拿因大富禁室江 荒榛而已遂挈寶入長安明年復下弟東遊廣陵商胡詣 訪其實出而不之胡入拜而言曰此玉清真人之實也千 拿拿拜而謝之別去行未及一里 顧夫向者之亭香然但 人持樂器集於庭奏曲以授請為中原正始之音曲名紫 而果其文微紅又出一紫王函似布光彩尤甚於玉俱授 弱中毒記

欽定匹庫全書 延生上殿與語甚喜留宿酒解備極珍豐明日謂生曰此 見一人居王殿披羽衣身可長文餘養髮皓素侍女滿側 逸史云唐進士崔偉嘗遊青城山東驅歇鞍收放無僕使 百見生呵斥生曰塵俗賤士願謁仙翁守吏趙報良久召 洞門望見草樹嚴堅悉非人間所有金城終闕被甲者數 崔生畏懼兼困遂寝及曉覺洞中微明遂入去又十里出 驢走越不及約行二十餘里至一洞口已昏黑驢復走入 人使弇上奏之曲也

非有感者也請略整回仙翁曰不得淹留譴罪極大與符 之内矣歲餘嬉遊供樂無所比因請日偉血屬要與一談 階品尚列甲末得在天真之列必與崔生别翩飜於雲漢 人空際皆以崔郎為戲每朔望仙翁乘鶴上朝藥官每言 鏡如嬰孩之貌至夕有霓在羽盖仙樂步虛與妻相見真 取藥两九與生服託覺腑藏清堂逡巡摩極安若蝉蜕視 子此亦冥數前定不可免也生拜謝顧左右令將青合來 非人世乃仙府耳驢越益遠予之奉邀甚唯一女願事君

一致定四庫全書 家皆不見便入苑園大內會劒南進太真妃生日錦繡乃 行一道云甚急即開却令取所乗聽付之到京都試往人 稿其尤者以翫上曰畫日計無賊至此乃名羅公遠作法 亦非國家之福玄宗乃釋之親召與語曰汝莫妄居遂令 玄宗曰此已居上界殺之必不得假使得之臣單便受禍 記持朱書照之寝殿户外後果得其本末上令笞死忽記 仙翁臨行之行處發公逐與捉者皆僵仆良久甦起即啓 一道云過禍患此可隱形然慎不得遊官禁中臨別更與

於此儲福官在天倉山有玉真公主及明皇像 青城甲志王真觀在上皇觀前世傳唐王真公主修養 令名崔生妻至鄭一領中過作五色終橋遣生登步却減既 拜託將前送者亦欲隨至仙豹以杖畫成澗深潤各數丈 終嗣仙翁嚴侍衛出門呼曰崔郎不相信幾至顛躓崔生 見唯聞鸞鶴笙歌之聲半日方散送望空山而己 渡崔生同首謝送者曰可以歸矣須史雲霧四起咫尺不 百人具兵仗并衛士同送且規其故知至洞口復見金城 蜀中寒記

盈此之謂也 **諧笑龍酣畅而去其話言愛說孫思邈又云此小兒有** 帽藜杖四人來飲酒皆至數斗積十餘石即併還之談 逸史云章仇兼瓊尚書鎮四川常令左右搜訪道術士 天寶三載王真公主先為女道士讓號及實封賜名摘 唇書景雲二年改昌隆公主為王真公主仍置王真觀 何所會或報章仍公公乃遣親吏候其半醉前拜言曰 一當酒者酒勝其黨又不急於利縣貸甚眾每有紗

一致定匹庫全書

とこり きんたう 處皆至尤樂蜀中自後更令尋訪絕無蹤跡 問之公曰此太白酒星耳仙格絕高每遊人間飲酒處 前人不復見時玄宗好道章仇公逐奏其事詔召孫公 前躍出再拜自稱姓名相顧徐起唯蘆材四枝在於坐 一俯賜許否四人不顧解樂如舊遂巡問酒家曰適飲酒 幾斗曰一石皆拊掌笑曰太多言記不離席上己不見 尚書令傳語渠苦心修學知仙官在此欲候起居不知 矣使者具報章仇公遂潛駕往詣四人又來飲公服至 蜀中廣記

白龍於江心頭與雲連食項方隱刺史具聞明皇召見 在坐張葉以術取知南東目熟子謂午後必至及夜未 須令見其形曰請俟後日及期刺史與郡人皆至見一 到相顧而語曰莫是羅君否公遠笑逐出爐中一火節 每問無不稱古一日上與張果葉法善擁爐坐公遠亦 於離沅常往來青城大霍二山開元中因游鄂州刺史 仙傳拾遺云唇羅公遠彭州九龍人又云武陽人修道 園亭刺史問何來答云適見守江龍來此刺史未信曰

法而公遠常勝尤善自隱上欲傳其術公遠曰陛下 數百皆素練寬衣舞於廣庭上問曰此何曲曰霓裳羽 とこの日本 奪目寒色侵人遂至大城闕公遠曰此月宮也見仙女 在杖向空擲之化為大橋請上同昼約行數十里精光 無路可過項稍息方得至此二人皆失色開元中中秋 斯須使者持目熟子至葉詰之使者云到京焰火旦天 衣也及回却顏其橋隨步而滅上每召公遠與法善試 夜上於宫中翫月公遠奏曰陛下莫要至月中否乃取 1 野中廣記 圭

盡或露福帶或見影跡上怒斬之其後數年有中使自 |無為繼文景之恭儉豈可以萬乗之尊輕徇小術耶若 |蜀還見公遠於黑水道中謂使曰吾自晉成帝咸和年 故上又堅學隱形之術公遠雖教之然託身隱常有不 盡臣術必懷聖入民間目於魚服矣上怒罵之逐走入 書金簡已格九清真人降化保國安人誠宜習唇虞之 码破之為數十片悉有公遠之形長寸餘上謝之仍如 殿柱中數上之過上愈怒易柱破之復入土碣中又易

董如充積三田未虚六魚未潔請俟十年而授不能守 |主上延我於別殿遽以靈樂為索我告以人間之腑臟 悟蜀當歸之寄公遠於蜀九仙臺上昇彭漢之人至今 上必悟仍以蜀當歸為寄逐失所在天實末明皇幸蜀 比誠約加我以丹頸之戮然得道之人道氣混合宣世 えこりら これ 俗兵刃水火所能害哉因出一書謂使曰可以此達上 公遠又迎於劍門至成都拂衣而去明皇自蜀還京方 入蜀棲脩林泉聞天子好道而來欲以至道俯教人

陽新繁新都畿服之內人多見之不常厥狀或為老嫗 洛口後城李冰祠熱甚想路樹陰下忽有老嫗歇而問 之中主司風雨水早事也楊村居人衆以早暖将禱於 或為巧食每風雨愆期田農曠廢則必見馬疑其仙品 官輔真聖德自有內傳至今惡見於湖口什都楊村蒙 羅仙宅脩道於青城之南今號羅家山明皇朝出入帝 家陽羅江壩接九龍什祁之界在離沅化後今相傳號 立像祀之 按靈驗記云羅真人即神仙羅公遠家於

多先四年全書

|場創宮室雨亦立應又為乞士於堋口江畔謂人曰此 內甘雨告足乃於其所置天官塑像馬諸鄉未得雨處 餘思神不可致也言記不見衆知嫗即真人於是焚香 其異者即移下高處其不信者安然而處五六日暴水 將大水漂損居人信我者遷居以避之不旬日矣有疑 傳聞此說以音樂香花就新宮祈請迎就本村別設壇 以告俄而風起雲布微雨已至聚乃還家是夕數十里 曰欲何往衆以祈雨事答之嫗曰要雨須求羅真人其 ここうこ 7.14..~ 蜀中廣記 主

型像以祠之金銀行人楊初在重圍內配納瞻軍錢七 幅香燈嚴奉已數年矣至是真人託為常人詣於肆中 大至漂壞盧舍損溺户民十有三四居人以為信立殿 之曰我羅公遠也在青城山中以爾孝不違親心不忘 鉄備炭火明日復來然炭壘鉄投之一夕而去臨行謂 問其所納官錢作何准備具以困窘言之此人令市生 百餘千貨營家資未支其半初事母以孝每為供軍司 促必託以他出恐母為憂嘗於山觀得真人像順

許 とこうう シャラ 者數千華護軍陳軍尉范處筠按驗石上轍跡深三尺 言唐真人羅公遠以是年春東龍車往來山中民聚觀 許舊碑云車公道人上昇之所太平與國四年綿州奏 一時令歸覲初亦得丹樂以奉其親髮白還青老能返此 廣德神異錄唐玄宗天實十三年重陽日獵於沙苑時 「道以此金相助支官錢之外可更肥家復引初往山中 又按師堯俞羅江車高記略車島在縣治北二 爾中廣記

聚曰吾行山中偶為雅夫所加尋己無恙矣然此箭非 着售因虚其院之正堂以待之佐卿至則據馬或三五 青城山道士徐佐卿者風局清古一歲率三四至觀之 精怒者始得而居觀之東廊第一院特甚幽清有自稱 日或自朔言歸不計也一日忽自外至神彩不怡謂院 及地文許級然矯翼西南西遊萬聚極目良久乃滅益 雲間有孤鶴徊翔玄宗親御外矢中之即帶箭徐墮形 州城西十五里有明月道觀依山臨水松桂深寂道流

多员四母全書

卷七

人間所有吾留之於壁後年箭主到此即宜付之慎無 12 · 10 · 日本日 · 四7 幸道室既入此堂忽觀其節命侍臣取而翫之益御箭 |陸失仍接電記壁云留箭之時則十三載九月九日也 及玄宗幸蜀暇日命駕行遊偶至斯觀樂其嘉境因遍 教以檄名之術受三皇天文役命鬼神無不立應玄宗 仙傳拾遺云楊通幽本名什伍廣漢什が人幼遇道士 耳詢諸道士具以質對即視佐卿所題乃前歲沙苑從 田之日也佐即盖中箭孤鶴飜飛而集于斯者與 節中廣記

|壓於鬼神之伍矣二日夜又奏曰九天之上星辰日月 懌曰未歸天復何之耶炷香真祝彌加慰至三夕奏曰 士真少安聖慮咸云楊什伍有考召之法徵至行朝上 之間空虚杳冥之際亦過尋訪而不知其處上愀然不 問其事對曰雖天上地下宴宴之中思神之內皆可悉 幸弱屬念貴妃往往報食忘寐近侍之臣密令求訪方 而求之上大悦於內置場以行其術一夕奏曰已於九 地之下鬼神之中遍加搜訪不知其所上曰妃子當不

多分

四周石言

1

有犀仙所居上元女仙張太真者即貴妃也謂什伍曰 冬三口豆 白手 上見此自當有省言記流涕而別什伍以此物進之上 開元中所賜金釵鈿合各半玉龜子一寄以為信曰 世念其願頗重聖上降居於世我謫於人間以為侍衛 我太上侍女隷上元官聖上大陽宋官真人偶以宿緣 亦過求訪莫知其所後於東海之上達萊之頂南西無 於人寰之中山川岳濱祠廟之內十洲三島江海之間 耳此後一紀自當相見願善保聖體無復憶念也乃取 3 蜀中原記 = 聖

鄰虚如復實觸實如蹈虚雖九地之厚巨海之廣八 聲利遠置塵則可以凌三界登大清矣又問昇天入 霞被白玉簡特加禮異暇日問其所受之道曰臣師乃 何門而往何所為礙曰得道之人入火不灼入水不濡 士也手筆賜名通物千段金銀各千兩良田五千弘紫 多好四扇石書 潜然良久乃曰師昇天入地通幽達冥真得道神仙之 西城王君青城真人昔於後城山中教臣召命之術曰 可輔賛太平君然後得道戒以護氣希言目不妄視絕

ここつい 銀屏影遮隔仙姬私聽聲明皇又作妃子所遺羅襪銘 曹夢中見如子於逢山太真院作詩 遺之使焚於馬鬼 奉真俱逝 對居數載乃登後城華靜室天真界降於其處一日與 道合道無不在毫芒之細萬物之眾道皆居之上善其 之遠萬方之大應念條駁何所拘滯乎所以然者形與 山下云風急雲驚雨不成覺來仙夢甚分明當時若恨 什邡未詳孰是 又按紀夢錄云明皇幸蜀回居南内 21 Lin 按什伍青城山錄記及董道畫跋皆作陳 蜀中廣記

為尊官有力之所占積新棲棲而無寄入因治溪深遠 闔 户而 体積新接於簷下夜 闌不寐忽聞堂內姑謂婦 寓宿於山中孤姥家但有婦姑止給水火纔瞋婦姑皆 集異記云玄宗南将百司奔赴行在翰林善圍卷者王 弓弓手中弄初月又如脱覆露纖圓恰似同食見時節 積新從馬蜀道監被每行旅止息中道之郵亭人舍多 方知清夢事非虚暗引相思幾時歇 曰羅襪羅襪香塵生不絕細細圓圓地下得瓊鉤窄窄 多克四月全書

之意而按局置子馬積新即出索中局盡平生之秘妙 |耳婦亦甘馬積新遲明具衣冠請問孤姥曰兩可率已 奇之堂內率無燈燭又婦姑各處東西室積新乃附耳 Cold of the Cold 南十置子矣每置一子皆良久思維夜將盡四更積新 二置子矣婦又曰起西八南十置子矣姑又應曰西九 門扉俄間婦曰起東五南九置子矣姑應曰東五南十 曰良宵無以為適與子圍巷一賭乎婦曰諾積新私心 密記其下止三十六忽開站曰子敗矣吾止勝九秤 弱中廣記 圭

殿前喬松數林常有二素鶴樓于上真人有劍二口忽 李真人者名亞久居什邡邑北龍泉觀中有井名秀華 藝絕無其倫即布所記婦姑對敵之勢聲竭心力較其 而別行十數步再請則已失向之室盧矣自是積新之 更求其就孤姥笑曰止此已無敵於人間矣積新度謝 婦乃指示政守殺奪救應防拒之法其意甚畧積新即 而布子未及十数孤姥顧謂婦曰是子可教以常勢耳 秤之勝終不得也因名鄰艾開蜀勢 巻七十三 人已の自たち 復來夫婦以此語之道士曰皮角在乎曰在即取及擊 既死何以資口食乎慈母山有一道士每想其家是日 給一旦牛死其妻楊對泣數曰衣食所給在此牛耳牛 士方行之人過其門必留連延接惟一牛拽步磨以自 仙傳拾遺云馬大亮者彭州萬江人也家資好道每道 應公賜名龍泉觀俗呼掛鐘樓出本志 乗到一八井絕迹馬明皇幸蜀有司上其事初賜靈 日解諸人曰我當去矣次夜里人守之見真人背劍 野中魔記

蓋散忽一人曰我革八人明日俱來共謀一解無以客 急收童憐之因解其口遽成皮骨而已然其家已漸富 多為訝至時態叟八人偕至客於袖中出柟木一枝纔 級如牛形斫木為脚以繩擊其口驅之逐起肥健如常 有想要三五人指其家飲酒常不言錢禮而接之雖數 改置酒肆常以奉道祈感遇仙人仍力行救物好賓客 此牛拽磨力倍於常道士亦不復來數年盛暑牛喘甚 曰此牛不復飲食但晝夜使之可也慎勿解其口爾以

宗幸蜀大亮貢錢三十萬貫以資國用 去的日樹已凌空高十餘丈大徑尺其家金玉自至寶 史十年後會於城嶺巨人官當授以雅仙之道言記而 為報此樹徑尺則家財百萬彼時可貢助天子垂名國 五六寸裁於庭中便飲酒盡惟而去曰勞置美酒無以 後州志云譚仙子宜乃郡人譚叔及之子也生於唐開 作馮大量慈母山亦名聖母山在滇江縣西南五十里 貨自積殷富彌甚雖王孫糜竺之家不能及也五年玄 按氏族大全

獨中家記

一致定四庫 全書 威年及弱冠聰敏温克就翫道書神仙修煉之術有步 言所掘處湧水成池因名譚子池亦名天池 官不司人世鄉里奚祠馬紙恐憑妖耳請函毀之其下 置大歷元年丙午忽還家霞冠羽衣語父母曰兒為仙 |走及奔馬二十忽失所在鄉里神而祀之因父母念不 有黄金數千兩掘之可給一鄉言記騰空去後果如其 廣異記云唐大歷初章行式為西川採訪使有经曰子 元之李座也能言九歲身勵六尺髭鬢殊常不飲不食 灰

有藥一 兹未能忘情思有以報某非碌碌求食者尚紫俗間耳 欺暗室當棄世俗尚属 两塵子威曰何謂两塵對曰儒 自便丁曰去計已次不可留也然其肅勤左右二載於 私之一日氣惨慄云欲他適子威怒曰籍在軍中馬容 卒丁約者執厮役於部下周旋恪勤未嘗少惰子威頗 褫衣帶得藥數粒以奉子威又謂曰部君道情深厚不 之世釋謂之劫道謂之塵善堅此心亦復退壽五句 拉顧以贈別食此非能長生限內保無他悉因 野中剪兒

昔日子威大奇之丁微笑選謂威曰尚記臨印別否一 纍纍中一人乃丁約也反接臂長驅而西齒髮過肚 無異 三年也将還京華夕於聽山旅舍間通衢甚喧詢其由 追之己不及矣主將以逃亡上狀請落兵籍爾後子威 權明經第調數邑宰及從心之歲毛髮皆衰時元和十 後近京相遇此祭無多訝也言訖而出子威驚愕亟命 曰劉悟執逆賊李師道下步出視之則兵仗嚴衛桎梏 五十年矣幸令相見請送至前驛須東到驛則散繁

致定四庫全書

我以此委晚耳異韓彭與糞壤并也其或思避自此 作叛臣耶丁曰言之久矣何逃哉蜀國終解豈不云近 威衰養威謂曰仙兄既先見之明聖朝奄有天下何為 |於廊舍開一竅以給食物子處窺之俄見脱桎拾覆之 解劒解水解火解寒繁有徒嵇康郭璞皆非受成害 京相遇慎勿多訝耳又問曰果就刑否對曰道中有 以席曜白實出與子威搞手上旗亭話闊別之恨且數 ,就能追之他問不對威曰明晨法場窩目豈 較於

完至丁追目子威笑頷三四及揮刃之除子 威獨見斷 · 竟於外館者復三日不視果至十九日獻廟巡鄭始行 號令回親者不啻億兆泉矣面語不辨寸步相失俘囚 大勢子威是日飲僕飽馬詰旦往棘圍候馬亭午間方 果大澍雨遲明泥及肝改日行刑兩宿方霧則王姬 銀定四庫全書 入荷校以坐子威却往温泉日已明矣風埃忽起夜中 子丁曰未也夕當甚雨不克行刑畫雨止國有小故十 九日大限方及君於此時幸一訪别言記還館復自穴 巻七十三 有

益酒肆脱衣換觸與威對飲云其當入罰自此遊通勉 華霜鋒條及之次丁因躍出而廣衆之中躡足以進即 於奉道猶隔两塵當奉候守崑崙石室之間矣言記下 旗亭冉丹西去數步而減 差人走馬入奏發已三日忽於案上文籍見所奏表淨 仙傳拾遺云大歷中西川即度使崔寧嘗有密切之事 本猶在其函中所封乃表草耳計人馬之力不可復追 慶惶不已莫知其計素知真江彭殖者有道術召而語 蜀中廣記 到

欽定 香烟上忽然雅去食項得所封表草墜於殖前及使 敬殊常問其所受道之由云殖師姜玄辨至德中於九 問之 壇持咒畫夜精動本經云一十四日玄辨為九日而應 龍觀捨力焚香數歲因拾得殘關經四五紙是太上役 之殖曰此易耳不足憂也乃炷香一爐以所寫淨表置 使六丁法咒術備足乃選深山幽谷無人跡處依法作 怒有黑風暴雨驚駭於人視之雨下而遭場不濕又有 並不覺進表之時封題印署如故崔公深異之禮 匹庫全書 W. 卷七十 间

去自此毎日有一丁侍之凡所徵求無不立應以術 無以延長若得術而不得道亦如欲適萬里而足不行 介呼召當何所求玄辨以術數為請六甲·兵仗一時 有所候一天女着繡履繡衣大冠佩劒立問玄辨曰 雷電霹靂奇形異狀思神繞之須東又有鉄甲兵士 殖謂曰術之與道相須而行道非術無以自致術非道 也術者雖萬端隱見未除死錄固當棲心妙城注念丹 兵士各數千戰噪而下然不驚怖久之神兵行列 頭中廣記

一致定 四庫全書 置官府分曹屬以度於人吾與汝觀道之織於未造其 華立功以助其外鍊魂以存其內內外齊一然後可以 學又玄性橋率自以門望清貴而問邱子寒賤往往戲 鄭又玄本名家子居長安中少時與游舍問邱氏子偕 玄微龍蛇之交與汝入洞府朝真師無可以講長生之 適道可以長存也我眉山中神仙萬餘人自皇人統領 肯也玄辨隱去二十餘歲乃龍蛇之交為大應十二年 丁已殖亦隱去不復見

心乎問邱黙有慚色歲餘乃死又十年又玄明經上第 金錢之物又玄以仇非士族未當以禮貌接之一日又 又玄醉罵曰爾市并之此徒知錐刀偕居官秋而與吾 預豈其罪邪乃强為召仇既至飲以色酒解不能引 玄置酒高會而仍不預其友謂曰子有會宴而同舍不 大賈之子年始冠其家資產萬計日與又玄宴遊累貢 補蜀州恭軍既至官郡守命假尉唐與有同舍仇生者 こうシント 而属之曰爾非類而與吾偕學吾雖不語爾寧不愧於 羁中廢記

為伍爾已幸矣又何敢解酒乎因振衣起仇慙而退棄 官開門月餘病卒明年又玄官亦罷傷居蒙陽常好黄 吾生間邱氏與子偕學而子以我為非類罵辱我又生 之童子謂又玄曰我君故人也省之乎曰忘矣童子曰 有一童子十餘歲貌秀而慧又玄與語機辯萬變深奇 居十年未當有所授又玄稍情解之而還過褒城逆旅 老之道間蜀山有吳道士高其風往指之願為門弟子 仇氏尉唐與與子同舍受我厚路而謂我為市井之氓

欽定匹庫全書

復見郎君出将之禁也願以季女為託明年果狀頭及 而卒 我生於人間觀汝德將授汝神仙之訣而汝高傲如故 第詩賦有人鏡芙蓉之目後二十年公登庸其姥來謁 郎明年笑蓉鏡下及第後二紀拜相當鎮蜀土恨妾不 子何驕傲之甚耶我太清真人也上帝以爾有道魚使 終不得道矣可悲哉言記忽不復見又玄悔恨歸逾時 - Carlo Carlo Carlo 西陽雜俎相國李固言元和六年下第遊蜀遇一姥言 蜀中廣記 罚十

也李公驚悟即遣使分訪之有巫董氏者事金天神即 矣李公為設盛饌不食唯飲酒數盃便請別李公留之 牙梳一枝題字記之李公從至門不復見及李公鎮蜀 何用筆硯為忽曰但庇成都老姥愛女何愁筆硯無用 不得但言之庇我女因贈金帛襦幗並不受唯取其妻 李公忘之姥通曰蜀民老姥嘗屬李女者李公省前事 日盧氏外孫子九龄不語忽索筆硯李戲曰爾竟不語 具公服謝之延入中堂見其室坐定又曰出将入相必

莫敢言者泊相國崔郸來鎮蜀遽毀其廟投土偶於江 龍 州新都縣南十里有山曰龍門北面有洞府靈湫乃古 盧氏家舍其靈歇矣 見忽能言因是蜀董如神祈無不應富積數百金怕勢 一姓之女言能語此兒請祈華岳三郎李公如巫所說是 仍判事金天王董氏杖背逸出西界尋在見州李公壻 元草茅進士時英龍君廟記唐長慶元年 劍南西川 君隱顯之地後靈池縣開元村有如荣者十五覧集 1.1 简中腹記 四十二 益

一致定匹库全書 白龍廟祈禱輒應有碑傳為如榮孝感飛昇處號白龍 年劫程其孝及冠不娶貌不少衰於當時六月十五日 奉書為縣吏親終廬墓感慈烏白兔紫芝瑞草寶愿! 言記飄然而没 祥煙繚繞具香遍核俄頃雷風大震驟雨滂沱空中聞 仙樂之音君异半霄之上謂父老曰吾乃龍門相茂山 也托生茹氏化行孝道功行已就今奉王勒上昇矣 按古今集記成都縣南十里龍門山

凡三十餘年一旦有二人亦中朱服徑詣其室劉問君 白水志希延生數年入霧中山嘗遇人教其服餌雄黃 仙傳拾遺云劉無名成都人也本蜀先主之後生而聰 何人也何以及此對曰我泰山直符追躡子不知子有 存真內修之事常以展申日守三尸存神黙呪服黃精 神仙矣自是探玄不樂名利弱冠閱道經學咽氣朝拜 何術我至三日矣宴期迫促而無計近子將恐陰符譴 八九歲道去過其家見而數曰此兒若學道當長生 弱中廣記 - B+

陰一 孝極忠內修密行功滿三千然後黑籍落名青華定蘇 黄光照灼於頂超高數尺得非雄黃之功乎然吾聞 責以稽延獲罪故見形相問耳劉曰余無他術但真心 期子其次廣施陰功殺人濟物柔和雌靜無欲無為至 金但得其陽未知其陰將何以超生死之難詣昇騰之 至道不視聲利靜處坐山志希度世而已二使曰子之 鬼神駕雲龍而上補仙官永除地簡九祖超鍊七支 陽之謂道一金一石之謂丹子但服其石未餌其

致定匹庫全書

巻七十三

積功未着大限既盡將及死期宣可尚免也劉聞其語 城神仙之府可以求詣真師訪尋道要我聞鉛汞朱髓 ·穴唇年不過復入青城山北崖之下得一洞行數里忽 致謝二使乃隱劉如其言入我眉山登陟峭險探求洞 名同年壽盡者以代於子子勉而勤修無至中怠也劉 心魂丧越爱迫震懼不知所為二使徐謂之曰岷我青 2.17.21 X. P.D 可致冲天此非高真上仙莫得修煉之古我為子求姓 生天如此則不為冥官所追捕耳今子雖三尸已去而 罰中費記 四十二

覺平傳殆非人世遇神仙居其間稱青城真人劉祈叩 銀定四庫分書 芽為田君臣相得運火功全七 日為輕水二七 日愛紫 九丹之經丹分三品以鉛為君以汞為臣八石為使黄 米髓之訣謂之曰胡剛子陰長生皆得此道亦名金液 得度生死之苦真人指一嚴室使栖止其中復令齋心 鋒三七日五彩具內赤上黃狀如寫塵復運火二年日 七日乃示以陽鱸陰愚柔金煉化水玉之方伏承煉鉛 不已具述所值鬼使追攝之由願示道要以拯拔沉淪

世有其人視形氣功行合道依而傳之劉受丹訣還霧 者延年髮白反黑三年之後服少刀主遊散名山周遊 · . . 相 飛龍白日昇天大都此樂經十六節已為中品便能使 四海為初品地仙服之半劑變化萬端坐在立亡駕 初品即能乾汞成銀丸而服之可以祛疾二年之外服 周六百再經四時重履長至初則十月離其胞胎已成 人長生樂成之日五金八石黄芽諸物與君臣二樂 雜亂矣千日功畢名上品還丹謹而藏之勿示非 蜀中廣記 四十四一

為贊兼詩三章未嘗抒思其贊曰不才矣子知命任真 欲為 師寫真可乎玄真笑曰夫欲寫真先須自寫吳子 亦飲酒其為志也泛然自適無所管為怨謂玄真曰吾 雲笈七載云費玄真者成都雙流縣與唐觀道士也大 名傳以示後人入青城去不知所終 如其言引鏡濡毫自寫其貌下筆惟肖項刻而畢復自 中末有道士自稱吳子止觀中淹留歲餘養氣絕粒時 中山築室修煉三年乃成開成二年猶疑於蜀自述無

逐耳無塵事擾心有翫雲間對酒惟思月餐松不厭山 賓曠然無已因象惟親其詩曰終日草堂間清風常往 飲泉經蜀過春大道香冥吾師何人屬念下土思彼 惟保神山水為家形影為鄰布表草帶鹿冠紗中餌松 跋云寂爾孤遊脩然獨立飲本蘭之壓露衣爲獸之落 時時吟內景自合駐重顏又詩曰此生此物當生涯白 志向玄素心樂清貧涉巷羣山翛然一身學未明道形 石青松便是家對月卧雲如野鹿時時買酒醉煙霞 蜀中廣記 四十五 自

倉洞中自然飲食往往遊雲水者得而食之即使道士 罷振衣理策而去 毛不求利於人間絕賣名於天下此山居之道士也題 孫靈諷訪馬入洞可十許里猶須執炬十里外漸明又 謂曰此天倉也及明話于賓友或曰州界昌明縣有天 洞府看饌甚多而不覩人物亦不敢饗之乃出門有人 三五里豁然與人世無異産室極廣可容千人其下 仙感遇傳河東薛達咸通中為綿州刺史歲餘夢

|銀定四厚全書

· 於定四車全書 來皆二三尺總如有人行處薛公間之數 異靈勝而莫 鹽積或不知其數又一二里溪水迅急既潤且深隔 靈飙拜而食之又別問三五所請以奉薛公為信及齊 神芝仙樂周太子晉學道上仙有九千資糧留於山中 窮其所以也 見山川居第歷歷然不敢渡而止近岸沙中有履跡往 整有石床羅列上飲食名品極多皆若新熟較美甘香 出洞門形狀宛然皆化為石矣洞中左右散麪溲麥堆 按與地志云少室山有自然五穀甘果 罚中废犯

張華聞之曰此仙館也飲者為玉漿食者龍穴石髓耳 物食之墮者行出乃蜀中也已半年矣至洛下言於人 曰從此西行有天井但投入自當歸耳若餓則取井中 墜者告以饑渴变者以杯與之飲記覺氣力倍加实者 |曠然見明有草屋屋中有二人對实局傍有一杯白飲 万投食於穴中墜者得之因循穴而行計可十許日忽 遊觀其上晉初嘗有一人誤墮穴中同軍與其倘不死 又按世說曰嵩高山北有大穴莫測其深百姓歲時每 杜廣成錄異記云柳子華唐朝為成都令一日方午有 而装飾顏貌一如當時後入杭越間去 之孺休曰先君出鎮西川日與道翁相善別來四十年 州刺史忽聞可雲在城市乃延入州拜呼道翁賓係部 **換看之徐起抖數雪跡而行如醉下醒唐杜孺休為蘇** 酒三斗不醉能沙書冬卧雪中三两日人以為僵死或 續仙傳云杜子异字可雲自言杜陵人莫測其年壽飲 如此則少室昌明洞穴相連故其事亦類

文年四年全書 两

節中质記

四十七

孳孳馬勤恪奉公推誠及物為時人所重有一珠大如 一班子云是其祖所留數世傳寶照物形狀毛髮形色 得水仙矣柳孫君慶乾符中為節度押衙青城鎮遏使 頗好善常以樂石牧貧民疾疫毎躬親撫視健卒民庶 復為常遠近咸知之子華罷秩不知所之俗云入龍官 命與君子為匹偶因止命酒樂極數成禮而去自是往 女且來矣俄而下車左右扶衛升指與子華相見云宿 車騎續車前後女騎真從徑入聽事使一介告柳云龍

金いり

入べる

言 心至道因易名道與一日告行仙女詰其姓字曰汝無 貨藥子市仙女户隊見之如有風契因延至內坐請問 文主四車全書 !! 修真之語師資相投遂授鉛汞符募要術束髮頂冠歸 答人亦莫測其意時有黃冠野夫年踰七十顏如渥丹 宋馬成之清虛觀記云黃鹿真人者晚唐時人姓馬氏 年七歲失怙恃鞠養於祖性慕玄虚黄老之學日誦干 備足但皆倒立耳 一覽朝能記確守不移或勸以子女之職但笑而不 - 写中廣記

屬炭輝若相引漁窺見五人宛然古圖所繪者属聲曰 鹿舉案之勤非女所願題祖憫之不拂其欲翌日命 幸膝下受養將終身馬今蒙祖命但野分荒疎志友麇 青獨白總寄生跨黃鹿若遇冠相凌穩便她家族早早 女奴搗囊杖策穿雲而去既而夜徑林麓迷道忽觀燈 而年已及笄迺祖逼以聘事仙女教獻流涕曰女值不 上三清莫候丹砂熟仙女旦暮飄詠不絕若有所得俄

我問久當自知乃留詩曰女是寄生枝男是冬青木冬

次年四車全書 图 丹珠自成汝脱自軒舉矣勉勵前修謹無中廢嗣後盗 成矣而外丹未應故欲指缺乃出飘中樂點土石為金 重顏不易一日遇售所貨樂者忽至謂仙女曰汝功漸 羅江東四十里也是時歲荒盗熾仙女捐所有便墾闢 銀各百以鎮丹臺祝曰勿用自守當有神護坐歷三歲 仙女誌之卷于此即成道矣言記隱去黎明仙女徘徊 疏鑿播種以時民忘熟食之患歷四十餘年脩養日精 四顧見山朝水會真神仙之窟稽首拜禮因詢謀屬乃 写中廣記 四九

尚在裂如雷吼爐中光彩射天少項晻霭天雨瑠璃擲 跨鹿風雨四起白褐翔鳴前指引騰空而逝舊有丹竈 敢恣肆無天理乎願無害居民養中所積悉以相餉兒 告終奸雄蝟奮羣盗揮戈而踵仙女之養仙女曰汝等 賊屢睥睨鎮壇之物中夜變惟百出無不狼狽而走期 人未有足色将不利於仙女已而黄鹿白鹅突至仙女 人無得而近之者至天祐間朱全忠行崔杼之事唐祚 月 風雨暴至地湧甘泉銀化白鵝遊池金變黃鹿出市

黃鹿鎮賜清虚觀之名 為釋喻之說雖高識洞鑒者有所不速階酒自娱不拘 得失史冊差謬未有不誠其膏而樂其育所有二種之 感遇傳云進士王敵漁經獵史之士也孜孜死死窮古 居人以狀聞於蜀主王建曰此蜀祥事也遂因其山為 於俗酣暢之外必切磋義府研覈詞樞矣然其咀吸風 地有聲感時而化異香馥郁不散產盗悲哀悔謝而退 人之所未窮得先儒之所未得著灵數子三十卷六經 (del 蜀中廣記

一致定匹库全書 露呼嚼嵐霞因亦成珍積年苦冷而矣能愈遊煎中道 逐期三載爾歌曰魄微入魂牝牡結陽內陰滋神思減 之蘇於草水之濱三日而授其缺曰木精天魂金液地 逢櫻杖梭笠者鶴貌高古異諸僻革名曰希道笑謂之 一千歌萬讃皆未決古往今來她日月受而製馬餌之周 曰少年有三惑之累耶何苦齊若斯解以不然道曰疾 魄块離運行寬猛無成金木有數秦晉合宜近効六旬 可愈也予雖釋作有靈內之功何疾不除敵委質以師

綿竹縣遇一叟曰鄭山古謂黄曰此國於五行中少全 北夢瑣言云偽蜀先主時有軍校黄承真就糧於廣漢 亦蝉既得道之流也 獸結尾為害尤甚敵醉宿草莽露身林野無所憚怖斯 則殺人無數我授汝裕術詣朝堂陳之倘行吾教以展 道中識者麼之無幾又在成都市常寓止樂温縣時點 星疹且瘳矣乃隱晦自處佯狂混時年八十殆於彭山 氣有利金之號曰金楊思此年蜀宫大火至甲申已酉 獨中廣記

於鄭史一畫一點皆以五行属配通楊亹亹實奇書也 緯題云黄帝陰符與今陰行不同凡五六千言黄云受 亡國殺戮之事果驗孫光憲與永真相識竊得窺其秘 請蜀朝三上不達乃**嘔血而死其年蜀宮災歲至申**酉 機也子能從我乎黃亦好奇乃曰死生以之既齎祕文 鎮底幾減於殺伐救活之功道家所重延生度世於我 欽定匹庫全書 而取之如三陳此術而不允行則子亦不免益浅於陰 王谿編事云前蜀嘉王頃為新繁鎮使理解置得一

暇 景與門話云偽蜀度支員外郎何昭翰常從知於點南 とこりら かい 樂遂喚問此人云只賣樂元不弄刀槍嘉王曰吾有鉄 於肚中足不着地冉冉异空而去竟不知為何人其家 於臺上百里之內並見復照見市內有一人弄刀槍賣 鏡下有篆書十二字人莫能識命工磨拭光可鑒物挂 列之如左部乃尚問也照照則好好流蘇詳見方物 鏡照見涵賣樂者遂不諱仍請鏡看以手擘破肚內鏡 日因門步野徑於水際見到者謂翰曰子何判官乎 W 罰中成記 五十二

將軍其日尋竟不見細視縣宰之首即小將軍之首也 城內賊衆入縣言已殺令醫而食之賊首之子自號小 為青城縣令有憂色釣者亦常來往何甚重之一旦大 青城縣令我則住青城山也待君官滿與君同歸山今 宝与四月白書 軍到城草賊四起釣者與翰相攜入山何之骨肉盡歸 耶翰情然不醒因精草坐謂翰曰子有數任官然終於 不及到君公署中遂解而去翰深志之後累歷官及出 曰然 曰我則野人張涉也余與子交知久矣子今忘我

思陰德無退前志其後齊下峽舟紅覆溺至難上如有 錄異記云黃齊衙隊軍偏裡也常好道行陰功有歲年 善為住計無相追憶也自此莫知所之 矣於朝天領遇一老人髭髩皎白顏色嬰孺肌膚如玉 とていりにない かいナップ 與之語口子既好道五年之後當有大厄吾必相救勉 張同行何因寄語謂妻子曰吾本不死却歸舊山爾等 贼於是自相殘害莫知縣令所之後有人入山見何與 相拯得及於岸視之乃前所遇老人也尋失所在自 罰中廣記 E+1

一多玩四月石書 達之路數月齊卒 是往往見之忽於什が縣市中相見召齊過其所居出 遠王於西方四海可服汝當為我言之及明相送出門 **幽勝留止一夕因言曰蜀之山川是大福地久合為帝** 北郭外行樹林中可三二里即到其家山川林木境趣 凡此去處吾皆知之又蜀字若去虫者金正應金德人 王之都多是前代聖賢鎮壓江源穿絕地脉致其運晚 已在後城山内去縣七十餘里既歸亦話於人終無申 卷七十三

5 20 7 151 An And 時出知果吃而遣之蜿蜒而去虎三數頭於庭中月夜 避亂入蜀王氏箭為師臣嘗撰道教靈驗記二十卷隱 續博物記云廣德先生杜光庭處州人仕磨為內供奉 類也如此 側雜草鬼即草中不驚手移於他所如猫犬耳其狎異 交樓騰踏既甚知果怒持白挺擊之遂散去知果於觀 又云景知果亦有道者也居實圖山與虎豹同處則之 如家犬馬鴉數隻集其有臂之上鳴戲為常又有巨蛇 到中傳記 五

官成遂披法服升堂集門弟子屬別而化異香滿室吹 بل، 青城山白雲溪卒年八十五顏貌如生衆以為形解有 多分四月日十 雲亦號叶而斃 曰吠雲令以胡麻油塗足繒布裹之可日行萬里及真 青城已創真官恐不久於世矣光庭嘗畜一白犬目之 有觀曰洞天宋逸士費元規讀書於此唇道士薛昌飲 文千餘首皆本無為之古 日忽謂門人曰昨夢朝上帝以吾為恨我主司今 又按青城志云自延慶觀上二三里 按高道傳云光庭在青城

宗時申天師元有怡神論两卷下卷中有神仙祕方三 古先道院在一峰頂內有塑像皇姑唐六代玄宗子也 章陸酒得道有浴丹井杜光庭亦尸解於此 十首則甘草丸為首又食杏仁法次之杏仁七 個去皮 佐理當代夤遜夢中拜請其法則與怕神論中法同方 批心力不倦且資年壽汝有道性又不久在此須出山 野人問話云孟蜀翰林學士辛寅遜項年青城山居則 夕夢見皇姑教之曰汝可食杏仁令 汝聰利老而彌 蜀中质記 五支

勝年喻從心猶多者述 年可補血令人輕健安泰寅遜如法服之至今老而康 銀定匹庫全書 以唱歌應和乞丐於人然詞旨皆合道意得錢多飲酒 之逡巡嚼爛和津液如乳汁頻照但日日如法食之一 又云擊竹子不言姓名亦不知何許人年可三十餘在 尖早晨盥漱了内於口中久之則盡去皮又於口中暖 成都酒肆中以手持二竹節相擊毀然鳴響有聲可聽 人莫識之如此十餘年矣一旦自請東市買生樂黃氏 卷七十三

久已四年上世 图 然感謝徐曰余疾不起復與黄氏子金二斤又曰事須 翌日至橋下果見擊竹子即於兼葭之上見黄氏來析 乞丐之士也在北門外七里亭橋下盤泊今病甚多恐 奉說于君黄氏子曰君有事但得言之擊竹子謂曰我 不今觸我心肝則幸也珍重且解言記而逝黄氏子 子家從容謂曰余知長者好道復多義氣今欲將誠素 慎勿觸我之心是所託也自當相報因留其錢黄氏子 不濟若終馬之後敢望持與燒勢今齊錢两貫日充買柴 岡中廣記 憫

金写日光石 其心終燃爐復更大如斗黄氏子以歸城心速語令人 積柴炭祭而焚之即聞具香馥郁林爲叶號至晚只餘 心復在人間乎觸其心便可上賓乎復欲於黄氏子顯 振觸之忽間炮烈其聲如雷人馬皆駭逡巡有人長尺 然出涕者久之遂令人易衣服備棺敛将出於郊野堆 其既化乎始知成都迺神仙所聚之處如擊竹子者亦 餘自煙焰中出過擊竹子也手擊其竹僚然有聲香香 而逝黃氏子悔過作禮眾人皆數奇異於戲得非不觸其

多矣 宋史云蜀州宋宣教名耕性剛介一朝弃官去莫知所

置利其上而去 之有孫名德之官間州提點刑獄罷職後遠尋其祖渡 浙江至雪賣山見一蜀僧曰聞諸者老山後爛平山有 居士為宋宣教也德之野板至頂惟見丹灶存馬乃

之已四年全島

退處士營以養生治氣為事將死以小童自隨投謁告

節中廣記

志林云宋章答字隱之雙流人著太玄疏三十卷號冲

金公口 不願 别 為高貨修積善行後有記律倚天赴闕將授以官倚天 起 以杖十七望倚門而去倚天收之卒不知其所以致之 倚天既歸如其訣行且久其身拷然若將翩翩隨風而 其居為造樂一點使攜歸倒之復教以度世延年之法 湖集云彭州北城有胡氏者名到字倚天宋初時號 鄉人異之一日有晨叩其鯛者遣視之不見其人但 曰此間囂塵非修行所吾歸閬苑矣詳見詩話 仕解回經過華山謁布夷陳先生先生甚喜久留

氏唐氏輪主之既集閉門罷乃啓録衆方齊有道人扣 復來少項笠旋如輪鷲報觀中揭之下有詩云偶乗青 門閣者止之乃下茶肆脱笠掛壁間曰為我視此隨當 之木色紅紫堅潤可愛樂如彈丸亦黃有光隱雜實中 者自後胡氏之門愈盛倚天至七十八歲乃卒熙寧中 していつこと ととう 一時/ 夷堅丙志云青城以二月望為道會四遠畢至巨室張 文同與可至其家觀其所謂杖與藥者杖非世間所 其重若金玉因為作胡氏遇異人記 弱中廣記 五十八

一銀定四庫全書 笠不沉埋衆相視悔恨 愕然拊其背曰善自愛越數日告子沖別挽留不回將 帝出逢來到戦峥嵘遍九核綠優黃冠俱不識為留一 然王樹有小驢高不盈尺以少樂物就掌中調之納火 沖喜延道流方士有許公言者能以樂為黄金其人能 癸辛樵志云安定郡王子濤字仲山在京師時其兄子 出門邀仲山耳語首言君兄且死矣君手直紋未可量 須更精全也謂仲山曰如何仲山曰畢竟只是假許

持之益謹更可至八十九外此非吾所知也仲山問其 ここりとしたり 獻有告汝為於金人以蠟書言其機事者大索不獲尋 國書副杜時亮使金紹與十三年亡歸作恢復方略以 宋汝為字師禹豐縣人高宗假武功大夫開州刺史奉 行何之曰中原將亂吾入蜀耳後果如其言 甚惡未有不得其所斬者君能不忘吾言可至七十九 但早年亦藉困宜順受之壽可至六十九人壽脩短視 其操行上帝所甚惡者貪所甚斬者壽人能不犯其所 蜀中廣記 五九

終神氣不亂其妻錢莫知汝為死請登聞鼓院以狀進 於權臣今老矣新進貴人無知我者汝為能知死期将 勸其理前事汝為慨然太息曰吾結髮讀書奮身一出 靖康問離亂事企道驚逆定交假僧舍居之檜死企道 者遇之漢上欽留與語見其議論英發洞貫古今歷言 步入蜀汝為身長七尺球看秀目堂之如神仙楊企道 志在為國復讎收還土宇頗為諸公所知命謬數奇則 知南歸相續將械送與金人汝為乃變姓名為趙復徒

銀完四年全書

谷丁丁土木之功過半已鬱鬱有氣象矣主香火鄧處 時處厚同里開比嚴相周旋素知其誠樸高行勞問 場也後二年子自浦頓公機成都校藝秋宫來山中斤 厚達首繁面雜作於塵土中拂衣相顧揖且笑語如平 謂通真觀者兀然殿祠外支撑破屋數樣餘皆榛礫之 記索之不得隆興二年事聞特官(子有忠嘉集行世 於學射山之麓歲時伏臘必來拜幽堂躬餐祀是時所 宋周時學射山通真觀記云紹與甲子子既選葬先君

一荒廢寺觀作大緣事可以延之其夫何其受命調温江 養神全氣固美鬚髯紅頰目光炯炯凡言古凶禍福如 有權與不敢不告有羅先生者世以亦脚號之混俗意 人之具惟辨一心以對天恐不足以任真人之責益事 之因謂天下無難事發與果在人也處厚曰山野無動 女子前問嗣息羅曰既禄食又有子恐嗇於壽惟於 公舉家燒香拜跪環立惟謹次第言之皆如見最後 下燭照少無差人爭見之一日出城之北門謁知府

欽定匹庫全書

積入脩造附益其覥施而枝梧之至紹與二十七年觀 乃假脩短之論以與其必從邪抑或天壽有數而神 往來屋市問異時如朱桃椎孫思邀爾朱先生者不 **成併得其田以歸爲乎蜀之山高水深固多隱士異人** 而從史何捐田百弘為齊厨之供處厚又取其地利之 財而未決羅乃徒步問道物色之處厚香不之覺羅婦 耐及得子皆如其説何聞學射山通真觀久廢欲施其□ 令羅先生實其流華 邪至於以田而易年坐了其着艾

尚云少屈以保生靈何其不知輕重如此夫君乃文也 欽定匹庫全書 人而大人先生亦嘗發以入道之門竊謂公初得曦檄 吳曦之叛青城山道人安世通獻書四川制置使楊輔 秘呪果可以捐益之也予皆不得而知之 即當還書誦其家世激以忠義聚官屬軍民素服號働 曰世通在山中忍聞關外之變不覺大働世通雖方外 順討逆誰不願從而士大夫皆酒紅飯囊不明大義 而散金發栗鼓集忠義閉劍門檄夔梓興仗義之師

悲所謂停思長智吾恐朝廷之失望也凡舉大事者成 之與否卜民之從違也今悠悠不決徒為婦人女子之 有所忌未敢建正朔士大夫尚以虚文見招亦以公論 大夫皆縮手以聽命是驅民而為叛也且蟻叛雖逆猶 樂蜀士大夫之叛也聞古有叛民無叛官今曦叛而士 民乃子也豈有弃父而救子之理此非曦一人之叛乃 敗生死皆當付之度外區區行年五十二矣古人言可 以生而生福也可以死而死亦福也決不忍汙面戴天 野中馬巴

